

BRICS-Pahalgam

ब्राजील दे रियो डी. जनेरियो च आयोजत ब्रिक्स मुल्लें दे शिखर सम्मेलन उे घोषण पत्र च 22 अप्रैल गी पहलगाम च होए दे वैषियाना आतंकी हमले दी सख्त निंदेया कीती ऐ जेह्दे च 26 लोकें दी आतंकवादिऐं हत्या करी दिक्ती ही। ब्रिक्स नेताएं बन्ने पार आतंकवाद फैलाने, आतंकवाद गी संरक्षण देने ते आतंकी गतिविधिऐं लेई रपेया—पैहा उपलब्ध कराने आलें खलाफ सख्त कारवाई सनं आतंकवाद कन्नै पूरी तगड़ेयाई कन्नै निबड़ने दा धेइयै पक्का कीता। प्रधानमंत्री नरेन्द्र मोदी होर शिखर सम्मेलन दे शांति ते सुरक्षा इजलास गी संबोधत करदे होई आखेआ जे पहलगाम आतंकी हमला भारत दी आत्मा ते शान पर हमला ऐ। उन्नं तोर देइयै आखेआ जे आतंकवाद गी दना बर्दाष्ट नेइं कीता जाना लोड़चदा ते आतंकवाद गी असरदार, संरक्षण ते समर्थन देने आलें पर सख्ती नै रोक लानी लोड़चदी।

<><><><><><>

Tourism Sec Conference

जम्मू कश्मीर दे सैलसफा आले नक्षे पर इक होर महत्वपूर्ण ते यादगार मौका जुड़ने जा'रदा ऐ की जे अज्ज इत्थें पैहली बारी राष्ट्रीय सैलसफा सचिवें दा दऊं दिनें दा सम्मेलन शुरू होआ दा ऐ। श्रीनगर दे शेर—ए—कश्मीर अंतर्राष्ट्रीय कन्वेंशन सेंटर च लग्गने आले इस सम्मेलन च बक्ख—बक्ख राज्यें ते केन्द्र शासत प्रदेशें थमां सैलसफा विभागें दे अध्यक्षें ते सैलसफा क्षेत्र दे केई दिग्गजें दे अलावा केन्द्री सैलसफा मंत्री बी हिस्सा लै'रदे न। इस सम्मेलन च जिनें महत्वपूर्ण विशयें ते क्षेत्रें बारे बचार बंटादरा कीता जाग, उंदे च नीतियां तैआर करना, रासपूंजी लाना, ढांचागत विकास ते फिल्म निर्माण ते फिल्में पर आधारित सैलसफा शामिल ऐ। एह सम्मेलन जम्मू कश्मीर लेई अपनी सैलसफा समर्थ ते सैलानी थाहरें गी उजागर करने दा इक शानदार मौका ऐ।

<><><><><><>

BLO Training

जम्मू कश्मीर, तमिलनाडू ते पच्छिम बंगाल थमां बूथ सतह दे अधिकारिएं ते सुपरवाइजरें दा दऊं दिनें दा सिखलाई कार्यक्रम अज्ज लोक तंत्र ते चुनां प्रबंधन सरबन्धी भारत दे अंतर्राष्ट्रीय संस्थान च शुरू होआ। भारत दे मुख् आयुक्त ज्ञानेश कुमार होरें इस मौके फील्ड सतह दे 427 प्रतिभागिएं गी संबोधत करदे होई, चुनां प्रक्रिया गी मजबूती देने च बीएलओएं दी महत्वपूर्ण भूमिका पर लोह पाई। इस सिखलाई कार्यक्रम दा मकसद मतदाता सेवाएं ते चुनां सूचि प्रबंधन च सटीकता ते पारदर्शिता गी जकीनी बनाना ऐ।

<><><><><><>

Goyal Handicraft

उद्योग ते बपार दे केन्द्री मंत्री पीयूष गोयल होरें श्रीनगर दे शेर कश्मीर अंतर्राष्ट्री कन्वेंशन सेंटर च बपारिएं—कारोबारिएं दे सम्मेलन — एफ.टी.आई.आई ट्रेडर्स कन्क्लेव 2025 गी संबोधित करदे होई जम्मू—कश्मीर दे दस्तकारिएं सरबन्धी खेत्तर गी हर संभव मदाद दा भरोसा दोआया। मुकामी डगेलीशनं आसेआ कीती गेदी गुजारिश दे चलदे मंत्री होरें जम्मू—कश्मीर दे दस्तकारी ते हथखण्डडी उत्पादें पर जीएसटी घटाने दी सफारश करने दा वायदा कीता। गोयल होरें पैकेजिंग सरबन्धी भारती संस्थान — आई.आई.पी. दे सैह्योग कन्नै पैकेजिंग ते डिजाइन सरन्धी इक उत्कृष्टता केन्द्र लेई योजनाएं दा ऐलान बी कीता। जम्मू—कश्मीर दे जीआई टैग आहले उत्पादें दी आलमी सतह उप्पर बधदी मंग पर लोS पांदे होई पीयूष गोयल होरें वोक्ल फॉर लोकन दे धेइये गी दोरांदे होई आखेआ जे एह भारत दे आर्थिक विकास दा इक मुख् हिस्सा ऐ।

<><><><><><>

Amarnath Yatra

श्री अमरनाथ जी दी यात्रा पूरी चाल्ली रमानदारी ते बवस्था आले ढंगै सिर जारी ऐ। यात्रा दे कल चौथे रोज 21 ज्हार 512 श्रद्धालुएं पवित्र गुफा च मत्था टेकेआ जेह्दे कन्नै गै 3 जुलाई गी शुरू होई दी इस यात्रा दे पैहले 4 दिने च दर्शन करने आलें दी गिनतरी 70 ज्हार कोला उप्पर पुज्जी गई ऐ। ताई जम्मू थमां अज्ज बडलै मुंह न्हरे 8 ज्हार 605 श्रद्धालुएं दा नमां जत्था घाटी लेई रवाना होआ। लौहकिऐं—बडिडऐं कुल 372 गडिडऐं दे काफले च रवाना होए दे इनें श्रद्धालुएं च 6 ज्हार 486 मर्द, 1 ज्हार 826 महिलां, 42 न्याणें, 216 साधु ते 35 साध्वियां शामिल न। इंदे चा 3 ज्हार 426 श्रद्धालु बालटाल ते 5 ज्हार 119 श्रद्धालु पहलगाम आले रस्तेया यात्रा करगन।

<><><><><><>

Curd Unit Ramban

ग्रामीण स्तर पर उद्यम-कारखानादारी की बढ़ावा देने की एक गैह्र दे तैहत् रामबन दे जिला सहकारिता विभाग नै चंद्रकोट च खाने-पीने सरबन्धी समेयान तैयार करने आहली योजना दे तैहत् देहीं बनाने आहली इक इकाई स्थापित कीती ऐ। भलेआं हेठली सतह उप्पर पहलकदमिं गी बढ़ावा दिंदे होई मैहकमे आसेआ सहकारी समितिं गी मदाद दिती जा'रदी ऐ तां जे इस गल्लै गी जकीनी बनाया जाई सकै जे दुधै दा उत्पादन करने आहलें गी मती औदन ते आजीविका दे बेहतर मौके हासल होई सकन। एह नमां युनिट मुकामी डेयरी सैक्टर गी तगड़ा बनाने दे जतनें दा गै इक हिस्सा ऐ। इस योजना तैहत् सहकारी समितियां, दोआर-कर्ज पर 50 फीसद सब्सिडी हासल करी सकदिआं न।

<><><><><><>

Gold Medalist Welcome

अमरीका च आयोजित इस अंतर्राष्ट्रीय सतह दे कुष्ती मकाबले च सुन्ने दे तगमे जित्तिथै जम्मू परतोए दे जम्मू दे दऊं पलोआनें कांस्टेबल बीनिया अमीन ते इषाक अहमद दा निगार सुआगत कीता गेआ। उनें दौनें अमरीका च आयोजित विष्व पुलस मीट च अपने अपने वर्ग च सुन्ने दा तगमा हासल करियै जम्मू कष्मीर दा अंतर्राष्ट्रीयसतह पर मान बधाया ऐ।

<><><><><><>

Bal Puskar

भारत सरकार नै प्रधानमंत्री राष्ट्री बाल पुरस्कार 2025 आस्तै नामांकन मग्गे न। एह पुरस्कार 6 कोला 8एं ब'रे दी बरेसु दे न्याणे गी दित्ता जाने आला सर्वोच्च नागरिक सम्मान ऐ। जेकर तुस बहादुरी, समाज सेवा, वातावरण, खेड्ड, कला ते संस्कृति जां विज्ञान ते प्रौद्योगिकी जनेह् खेत्तरें च उपलब्धि हासल करने आले न्याणें दे बारे जानदे ओ, तां मेहरवानी करियै उनेंगी नामत करो। नामांकन जमा करने आस्तै 31 जुलाई 2025 दी समें सीमा गी शा पैहले तूतकेण्हवअण्पद पर जाओ।

<><><><><><>